

Ambasadori Upravnog odbora Vijeća za implementaciju mira pozdravljaju odluku Vijeća ministara BiH o usvajanju reformi Komisije za reformu odbrane

Ambasadori zemalja članica Upravnog odbora Vijeća za implementaciju mira u Bosni i Hercegovini su pozdravili odluku Vijeća ministara BiH donesenu na današnjoj sjednici da usvoji zakonske i druge reforme koje je predložila Komisija za reformu odbrane.

Ambasadori Upravnog odbora su izrazili pohvalu Vladi BiH zato što je pokazala jednako konstruktivan pristup reformama koji je karakterizirao i rad same Komisije za reformu odbrane. Jasno je da su članovi Vlade BiH u potpunosti shvatili značaj ovih reformi, tako da su oni ponovo potvrdili svoju opredijeljenost reformama.

Ako Bosna i Hercegovina želi postati pouzdan kandidat za članstvo u programu NATO-a Partnerstvo za mir, što će građanima ove zemlje omogućiti dugoročnu sigurnost, parlamenti na svim nivoima u BiH moraju provesti ove reforme. Ambasadori Upravnog odbora također napominju da je u drugim zemljama članstvo u Partnerstvu za mir imalo pozitivan uticaj na ekonomiju i mogućnost tih zemalja da privuku međunarodne investicije, te je to najbolja garancija za dugoročnu sigurnost BiH.

Ambasadori Upravnog odbora Vijeća za implementaciju mira su danas pozvali članove parlamenta u BiH da osiguraju što skoriju raspravu o ovom paketu reformi i njegovo brzo usvajanje.